

北京圖書館古籍珍本叢刊

子部・釋家類

佛祖歷代通載・大

元至元辨偽錄・天


目中峰和尚廣錄

北京圖書館古籍珍本叢刊

77

書目文獻出版社

ISBN 7-5013-1412-8



9 787501 314126 >

北京圖書館古籍珍本叢刊 77

子部·釋家類 佛祖歷代通載·

大元至元辨偽錄·

天目中峰和尚廣錄

編者 北京圖書館古籍出版編輯組

出版 書目文獻出版社

(北京文津街七號)

印刷 北京大興古籍印刷裝訂廠

定價 叁佰壹拾圓

ISBN 7-5013-1412-8/Z·232

目錄

佛祖歷代通載	二十二卷		一
大元至元辨偽錄	五卷		四七七
天目中峰和尚廣錄	三十卷		五三九

佛祖歷代通載序

浮圖氏之論世動以大劫小劫為言中國文字未通蓋不可知也摩騰竺法蘭至漢而後釋迦佛之生滅可以遂推其歲年自是中國之人得以華言記之自天竺及旁近諸國東來者莫盛於西晉至于姚秦石趙等國其人則鳩摩羅什佛圖澄那連耶舍曇無讖諸師而東土卓絕奇偉之士生筆融敷等相為羽翼翻譯經義盡為華言而佛理之精無不洞究先覺之士至有運知其至理之未至者佛學之行莫博於此時矣彌天道安至於遠公辟地東南佛陀耶舍遠相從游而辟世君子相依於離亂之世乃若寶公雙林諸公起而說法而佛學大盛於東南矣若夫智者弘法華於天台三藏開般若於唐初清涼廣華嚴於五

臺密公說圓覺於草堂宣公嚴律教於南山金剛啓秘密於天寶大小三乘唯識等論專門名家豪今縷析汗牛充棟學者千百多皓首而不能窮極者焉達磨之來則有五傳其衣五宗斯立同源異派自梁陳宗謂之傳法正宗我

國朝秘密之興義學之廣亦前代之所未有此其大略也記載之書皆多寶林等傳世久失傳而傳燈錄僧寶史僅及宗若夫經論之師各傳於其教宰臣外紀者微諸史記書事無法識者病焉時有若嘉興祥符禪寺住持華亭念常得傳濟之旨於晦機之室禪悅之外博及羣書乃取佛祖住世之本末說法之目錄譯錄弘教之師衣法嫡傳之裔正派旁出散聖

異傳時君世主之所尊尚王臣將相之所
護持論敘異同參考訛正二十餘年始克
成編謂之佛祖歷代通載凡廿二卷其書
卷列言彰所知論器世界傳世界道果無
為五論則我


世祖皇帝時

世思八帝師對

御之所陳說是以冠諸篇首其下則以

先甲子紀世主之年曰時君之年紀教門
之事去其繁襍謬妄存其證信不誣而佛
道世乃汗隆盛衰可並見於此矣嗟夫士
世古今不離當念塵影起滅何足記哉嘗
見馮山有問於仰山每多年代深遠之對
則亦憫先覺之無聞者乎而法華一經前
劫後劫十誦無二又曰觀彼久遠猶若今
日別此書宜在所取乎至正元年六月十

一曰微笑菴道人真集序



板甫嘉興城東
雲門菴印行

佛祖歷代通載異例叙

金常事華李黃氏子母楊堂初昇於觀音夢老僧自稱大長老託宿而娘生於至元十九年壬午三月十二日亥時臨歲休圓明院僧休志出家習讀經史元貞乙未給總統所文憑難聚受具弱冠時游江浙大衆林博究經律宿師碩德以札爲羅延之席上皆攝謙而已至大戊申佛智晦機禪師自百丈赴淨慈懷香承承值師上堂舉太原孚上座聞角聲目録脫然有省遂呈所解師領之俾典記室服勤七載盡發所秘延祐乙卯先師遺徑山再參籌室今歸後版次手朝廷差官極治教門事公舉住嘉興祥符至治癸亥應遷赴京歸寓金宇藏經觀光三都之勝游礼五臺竊謂衰晚無庸遊跡閑散暇日檢閱内外典籍慨念宗門紀載之書散榛浩繁可知次序故以時君年代紀教門事實世道汚隆法運通塞如指諸掌庶便討論敬輯

帝師所說彰所知論冠于篇首者尊今也吾

佛未生以前時代本不與書欲便初學故自太古始其於帝王即位改元崩殂僭國之君及宰臣護教尊法者畧見始末餘不書帝主於聖教有所御製及大

臣碩儒撰述其間有闕涉教門者亦皆具載其於僧道對析論辯詳書以備參攷世尊示滅凡百年一書

稱檀像及教流東土之年倣此以至佛祖傳法傷或疑無翻蓋未之考今詳著平梁大同六年之下若夫教門事要異同訛正畧加攷定存其信實其浮偽據諸書擬集統而成編命曰佛祖歷代通載一依本傳不以私臆謬加論辯一二同志勸銳諸梓邵菴學士龍之以序僭躡之罪無所逃矣或恐繁失於冗簡失於陋頽與君子商之以俟博雅筆削成書則學之幸教門之幸也至正七年龍集丁亥五月五日前嘉興路大中祥符禪寺住山比丘念常謹叙

比丘念常回施

平江路治中也先不花相公看藏經十錢壹拾

定刊通載二卷功德祝貢

相公辛巳本命星官

夫人魯都的斤壬午本命星官合家奉命星官

伏願紫綬金童永朕朕於

王室芝蘭玉樹盈軒盡投高門

佛祖歷代通載卷第一目錄

七佛偈

彰所知論器世界品

日輪

月輪

諸星宿

妙高山三十三天

情世界總有六種地獄餓鬼傍生人道非天道

人祖大梵

大三末多王及諸王種

通載一乘

器世界壞

贊語

佛祖歷代通載卷第一

嘉興路大中祥符禪寺住持華亭念常集

七佛偈

毘婆尸佛過去莊嚴劫第九十萬億那由他阿僧祇劫身從無相中受生猶

如幻出諸形像幻人心識本來無罪福皆空無所住

長阿含經云人壽八萬歲時此佛出世種剎利姓拘

利若父繫頭母繫頭婆提居繫頭婆提城坐婆羅樹

下說法三會度人三十四萬八千人神足二一名霧

荼二名提舍侍者無憂子方膺

尸素佛莊嚴劫第九十萬億那由他阿僧祇劫偈曰起諸善法本是幻造諸惡

業亦是幻身如聚沫心如風幻出無根無實性長阿

含經云人壽七萬歲時此佛出世種剎利姓拘利若

父明相母光曜居光相城坐舍陀利樹下說法三會

度人二十五萬神足二一名阿毘浮二名婆婆侍者

忍行子無量

毘舍浮佛莊嚴劫第九十萬億那由他阿僧祇劫偈曰假借四大以為身心本無

生曰境有前境若無心亦無罪福如幻起亦滅長阿

含經云人壽六萬歲時此佛出世種剎利姓拘利若

父善燈母稱戒居無喻城坐博洛叉樹下說法二會

度人一十三萬神足二一名扶遊二名鬱多摩侍者

寐滅子妙覺

拘留孫佛見在賢劫

第一事

偈曰見身無實是佛身了心如

幻是佛幻了得身心本性空斯人與佛何殊別長阿

舍經云人壽四萬歲時此佛出世種婆羅門姓迦葉

父禮德母善技居安和城坐尸利沙樹下說法一會

度人四萬神是二一薩及二昆樓侍者善覺子上勝

拘那含牟尼佛二尊偈曰佛不見佛知是佛若實

有知別無佛智者能知罪性空坦然不怖於生死長

阿舍經云人壽三萬歲時此佛出世種婆羅門姓迦

葉父大德母善勝居清淨城坐優曇婆羅樹下說法

三八四道載一卷

一會度人三萬神是二一舒禁那二鬱多樓侍者安

和子道師

迦葉佛三尊偈曰一切眾生性清淨從本無生無

可滅即此身心是幻生幻化之中無罪福長阿舍經

云人壽二萬歲時此佛出世種婆羅門姓迦葉父梵

德母財主居波羅奈城坐尸拘類樹下說法一會度

人二萬神是二一提舍二婆羅婆侍者善友子進軍

釋迦牟尼佛四尊偈曰法本法無法無法法亦法

今付無法時法法何曾法姓刹利父淨飯天母大淸

淨居舍衛城坐菩提樹下說法一會弟子一千二百

五十人度人無數神是二一舍利弗二目犍連侍者

阿難子羅睺羅

古佛應世綿歷無窮不可以周知悉數也世尊有

云我以如來知見力故觀彼久遠猶若今日故按

佛名經紀過現二劫千如來暨于釋迦但標七佛

阿舍經云七佛精進力放光滅暗冥各各坐諸樹

於中成正覺佛祖偈翻譯乃高僧雲啓一同天竺

那連那舍三藏於龜茲國譯出本末載於梁大同

六年

三子二道載一卷

大元帝師發合思巴說

彰所知論

寫授江淮福建等處釋教總統法性三藏教佛智大師

器世界品

器世界所成之體即四大種種具生故地堅水濕火

煖風動是等大種軍極微細者曰極微塵亦名隣虛塵

不能析釋彼七隣虛為一極微彼七極微為一微塵

彼七微塵為一透金塵彼七透金塵為一透水塵彼

七透水塵為一兔毛塵彼七兔毛塵為一羊毛塵彼

七羊毛塵為一牛毛塵彼七牛毛塵為一遊隙塵彼

量

七遊隙塵為一纖量彼七纖量為一蠱量彼七蠱量
為一麥量彼七麥量為一指節三節為一指二十四
指橫布為一肘四肘為一弓五百弓量成一俱盧舍
八俱盧舍成一由旬此是度量世界身相成世界目
由一切有情共業所感云何成耶從空界中十方風
起互相衝激堅密不動為妙風輪其色青白極大堅
實深十六洛义由旬廣量無數由煖生雲名曰金藏
降注大雨依風而住謂之在海深十一洛义二萬由
旬廣十二洛义三千四百半由旬其水搏激上結成
金如熟乳停上凝成膜即金地輪故水輪減唯厚八
洛义餘轉成金厚三洛义二萬由旬金輪廣量與水
輪等周圍即成三倍合三十六洛义一萬三百五十
由旬其前風輪婆娑界底地水二輪四洲界底於
地輪上復澍大雨即成大海被風鑽擊精妙品聚成
妙高山中品聚集成七金山下品聚集成輪圍山雜
品聚集成四洲等其妙高體東銀南琉璃西玻瓈珂
壯金所成餘七唯金四洲地等樸品所成彼輪圍山
唯鐵所成其妙高量入水八萬綸緒那比於餘山皆
悉高妙故曰妙高然後次第第七金山者一踰乾陀羅
高四萬由旬二伊沙陀羅高二萬由旬三佉得羅柯

標

高一萬由旬四脩騰婆羅高五千由旬五阿輪割那
高二千五百由旬六毘尼恒迦那高千二百五十由
旬七且民陀羅高六百二十五由旬八由旬九由
五轉木山四善見山五馬耳山六東勝山七魚鱗山
百一十二由旬半彼等廣量各自與出水量同七金
山間諸龍王等游戲之窟名曰鐵海八山間七海
妙高者一踰乾陀羅海廣八萬由旬二伊沙陀羅
廣四萬由旬三佉得羅柯海廣二萬由旬四脩騰
婆羅廣一萬由旬五阿輪割那海廣五千由旬六毘
尼恒迦那海廣二千五百由旬七且民陀羅海廣一
千二百五十由旬八由旬九由旬十由旬十一由旬
外海味鹹且民陀羅至輪圍山二山相去五洛义二
萬二千由旬其外海水雖無有今由妙高色東海色
白南海色青西海色紅北海色黃現是等色故稱四
海是彼周遶三十六洛义七百萬二十五由旬外輪圍山
周圍三十六洛义二千六百二十五由旬外輪圍山
輪圍者狀如車輪故向鐵圍山三由旬半餘三由
旬各二千由旬周圍六千三百由旬半有二中洲東
勝洲西勝洲南勝洲北勝洲四勝洲中央摩竭陀國
五世諸佛所生之處次此向北度九黑山有大雪山

名具吉祥其山北邊有香醉山是二山間有大龍王
名曰無熱所居之池曰阿耨達無熱其狀四方面各
五十由旬周圍二百由旬池內編滿八功德水從此
池內出四大河東流伽河從象口中流出銀沙共五
百河流歸東海南幸渡河從牛口中流出琉璃沙共
五百河流歸南海西縛弱河從馬口中流出玻璃河
沙共五百河流歸西海北悉怛河從師子口中流出
金沙共五百河流歸北海是彼四河從無熱池右邊
七匝隨方流轉是香山北度二十由旬彼處有岩名
難陀岩面各五十由旬周圍二百由旬高三由旬半
又有八千小岩其岩北邊二十由旬有娑羅樹王名
曰善住其根入地四十多量高八十多量七重行樹
羅列圍繞東邊度二十由旬有緩流池其狀圓相廣
五十由旬周圍一百五十由旬又有八千小池盈八
功德水內有蓮華葉若牛皮其莖如軸花若車輪味
美如蜜是處又有帝釋臨戰所乘象王名曰善住與
八千象寒四月時住金岩所熱四月時住善住所雨
四月時住緩流池無熱池側有膳部樹果實味美其
量如甕熟時墮水出膳部音龍化為魚吞噉是果殘
者遇流成膳部金由此樹名故號膳部此洲向西有

烏伽國大金剛宮持種所居金剛乘法從彼而傳南
海之中山曰持瓶觀音菩薩居止其頂聖多羅母居
心山下東有五峯文殊菩薩居心其上有十六大國
千數小國又有三百六十種人七百六十種異音其
外海東洲曰勝身狀若半月對妙高邊三百五十由
旬餘邊六十由旬周圍六千三百五十由旬其洲二
邊有二中洲北提訶身此云南毘提訶身此云是彼三洲
越餘洲等七多羅樹或曰洲人相見端嚴其身勝故
名曰勝身其外海北洲曰鳩婁其狀四角巽方相似
邊各二千由旬周圍八千由旬其洲二邊有二中洲
一名鳩婁此云有勝二高羅婆此云有彼洲人等所有受
用出如意樹臨沒七日其如意樹出不美音報曰當七
日死或曰洲人卑舌即割食肉鬼音故曰鳩婁是不
美音其外海西洲曰牛貨形如滿月徑二千五百由
旬周圍七千五百由旬有二中洲南舍拈此云北提
恒羅鼻恒哩拈此云彼洲人等多寶牛貨故曰牛貨
洲海山等向下皆悉八萬由旬近金地故近膳部洲
星割棘洲金洲月洲等者係膳部洲餘大洲等小洲
亦尔次上空四萬由旬純淨無礙勝堅風輪從右
而旋日月星宿空居天等依心而住

日輪者火珠所成徑五十一由旬周圍百五十三由旬厚六由旬零十八分上有金緣其上復有金銀琉璃玻瓈珂等秀成四角日天子等所居宮殿由風運行一晝一夜速四大洲日行向北時日即長南行時短行南北間時晝夜停由遊處光即有寒暑為冬夏際北行六月南行六月行至中道日月迴星輪歷徧謂之一歲

月輪者水珠所成徑五十由旬周圍百五十由旬厚六由旬零十八分其上有金銀琉璃玻瓈珂等秀成四角月天子等所居宮殿是彼日月相去遠近自

言九
影增減由增一分即生上半十五分畢謂之圓滿由減一分即生下半自影覆彼十五分畢曰不圓滿由

增減故名曰宿空由一晝夜名曰宿地如是三十名曰一月

諸星宿者空居天宮諸寶所成其形皆圓小一牛乳中三牛乳大六牛乳周圍三倍係四王衆

妙高山者有四層級始從水際向上相去十千由旬即初層級從妙高山傍出十六千由旬向上相去一萬由旬即二層級傍出八千由旬向上相去一萬由旬即三層級傍出四千由旬向上相去一萬由旬即

四層級傍出二千由旬彼妙高山其頂四角各秀一峯高四由旬半廣百二十五由旬周圍五百由旬有藥叉神於中心住是山頂上三十三天中央城曰善見純金所成高一由旬半面各二千五百由旬周萬由旬其城體金俱用百一標寶嚴飾其地柔軟如毼羅綿是城四面有一萬六千寶柱寶椽寶簷四門四門又有千數闕一小門四大衢道有諸小衢其四門側五百天子皆服堅鎧守護是門城中有帝釋殿曰帝勝殿亦曰殊勝殿其狀四方高四百由旬半面各二百五十由旬周千由旬百一邱敵二邱敵各有七樓

四十五
一一寶樓各七小樓一一小樓各七池治二池治各七蓮華

一一華上各有七數童男童女奏種種樂歌舞歡娛善見城東有諸所乘曰衆車苑高千由旬南臨戰處曰衆惡苑西諸行處曰相雜苑北游戲處名歡喜苑縱廣同前其苑等外度二十由旬有善地曰衆車苑惡相雜歡喜量同四苑善見東北有如意樹名波利闍多亦名圓生樹根深五十由旬高百由旬枝葉傍布五十由旬能施欲樂下有盤石曰阿嚩摩摩歌色白如氈西各五十由旬周二百由旬善見西南諸天集處名善法堂周九百由旬其狀圓相是堂中央有

帝釋座純金所成其座周圍有三十二輔臣之座咸皆布列三十三天向上度八萬由旬於空界中依風而住諸寶所成。離諍天宮量若妙高山頂二倍上度一億六萬由旬於空界中依風而住諸寶所成。兜率天宮量如離諍殿廣二倍上度三洛叉二萬由旬於空界中依風而住諸寶所成。化樂天宮量如兜率殿廣二倍上度六洛叉四萬由旬於空界中依風而住諸寶所成。他化自在天宮量同化樂殿廣二倍此即欲界上有初禪如是四洲七山妙高輪圍等界六天并初禪等謂四洲界一數至千為小千界。一、小鐵圍山圍繞此小千界一數至千為中千界。一、中鐵圍山圍繞此中千界一數至千為三千大千世界。一、大鐵圍山圍繞此是有百億數四洲界等皆悉行布鐵圍山等諸洲山間黑暗之處無有晝夜舉手無見。初禪天量等四洲界。二禪天量等小千界。三禪天量等中千界。四禪天量等三千大千世界。其相去量皆倍倍增謂曰色界。無色界者無別處所若有生者何處命終即彼生處住無色空故曰無色。

謂情世界然有六種一者地獄二者餓鬼三者傍生四者人五者非天六者天此等六種名義云何謂所壞肢體故曰地獄飢渴所逼故曰餓鬼傍覆而行故曰傍生意多分別故名曰人摩訶沙義身及受用雖與天同微少鄙劣或由無酒故曰非天阿脩羅義從梵身生遊戲娛樂或應供養故謂曰天是提婆義一、地獄者瞻部洲下過二萬由旬曠廓四方二萬由旬純鐵所成火焰洞然有八熱獄一曰更活二曰黑繩三曰眾合四曰睍叫五曰大睍叫六曰炎熱七曰大炎熱八曰無間。更活獄者生彼有情先業所感執事者伏互起冤憎通相研害墮落悶絕暫死空音更活彼等有情即便更活復相研害彼壽量者四天王天一生之期為一晝夜如是算數壽五百歲受是苦楚。黑繩獄者其獄卒等於有情身從頂至足拚界黑繩以火鋸鉞解研肢體由先業力解下上生彼壽量者忉利天一生之期為一晝夜如算數壽一千歲受是苦楚。眾合獄者生彼有情以鐵槌打或二鐵山猶如羊頭二山相合研碎摧壞二山開時復自然火又被摧壞彼壽量者離諍天一生之期為一晝夜如是算數壽二千歲受是苦楚。睍叫獄者生彼有情怖

錘

熱鐵池入稠林中火焰熾盛永歲焚燒由先業力其舌縱廣千由旬量有一大牛鐵角鐵甲架鐵犁鐵火熾熾耕犁其舌彼壽量者與率天一生之期為一晝夜如是算數壽四千歲受是苦楚。大弭叫獄者亦與前同其苦倍增彼壽量者化樂天一生之期為一晝夜如是算數壽八千歲受是苦楚。炎熱獄者三重鐵城火焰洞徹內受苦楚彼壽量者他化自在天一生之期為一晝夜如是壽數萬六千歲受是苦楚。極炎熱獄者亦同其前其苦倍增彼壽量者等半中劫受是苦楚。無間獄者於鐵室內身一聚焰受極苦楚彼壽量者等一中劫。十六增獄者八熱獄傍面各四所一爐煨增深皆沒膝有情遊彼才下足時皮肉與血俱焦爛隆餘剩其骨舉足還生平復如本二尸糞增不淨淤泥沒有情腰於中多有攪矩吒蟲甯利如針鑽皮透骨啞食其髓三峯又增復有三種一刀刃路謂於此中仰布刀刃以為大道有情遊彼才下足時皮肉與血俱斷碎墜舉足還生平復如本二劒葉林謂此林樹純以鈷利劒刀為葉有情遊彼風吹葉墜斬刺肢體骨肉零落有鳥駝狗鱷擊食之三鐵刺林名鈷摩利謂此林樹有利鐵刺長十六指

剝

有情被逼上下樹時其刺鈷利上下刺刺是等有情血肉皮等掛塗刺上唯剩筋骨有鐵骨鳥探啄有情眼睛腦髓爭競而食刀刃路等三種雖殊而鐵仗同故一增攝四烈河增名曰無渡編滿極熱烈反汁水有情入中或浮或沒或連或順或橫或豎被蒸被煮骨肉糜爛如大鑊中滿盛灰汁置稻米等猛火下燒米等於中上下迴轉舉體糜爛有情亦然設欲逃過於兩岸上有諸獄卒手執刀鎗禦捍令回無由得此河如斬前三似苑彼等名曰近邊地獄。八寒獄者一曰水苑二曰冰裂三曰阿叱吒四曰阿波波五曰啞寒六裂如餅鉢羅華七裂如蓮華八裂如大蓮華。水苑獄者生寒水間極甚嚴寒隨身生苑曰水苑獄彼壽量者摩伽陀國所有大斛八十斛麻百年除一若芝麻盡彼壽亦爾。冰裂獄者由極嚴寒其苑而裂黃水漏流彼壽量者倍前二十。阿叱吒獄者由大嚴寒咬齒忍耐彼壽量者倍前二十。阿波波獄者忍寒音聲彼壽量者倍前二十。啞寒獄者由寒涕泣出是苦聲彼壽量者倍前二十。裂如餅鉢羅華獄者嚴寒身裂如餅鉢羅華其壽量者倍前二十。裂如蓮華獄者嚴寒身裂如蓮華其壽量者倍前二十。裂如蓮華獄者嚴寒身裂如蓮華其壽量者倍前二十。

倍前二十。裂如大蓮華獄者身裂越前如大蓮華
開敷多葉彼壽量者倍前二十孤獨獄者在膽部提
曠野山間一晝一夜受苦受樂相雜受故八熱地獄
八寒地獄近邊孤獨如是名為十八地獄
二餓鬼者王舍城下過五百由旬有餓鬼城名曰黃
白亦名慘淡彼鬼王曰閻羅法王共三十六眷屬等
居其類有四一者外障二者內障三者飲食障四者
障飲食一外障者飲食音聲亦不得聞二內障者獲
微飲食口若針竅不能得入設能入口咽如馬尾無
能得過設若過咽腹若山廓不能飽滿雖滿腹中難
三十七十四
如草莖無能舉動受此大苦三飲食障者見飲食時
無量獄卒執諸器仗守禦無獲四障飲食者食飲食
時由業所感鐵丸銅汁瀉置口中從下流出如是四
種皆是餓鬼彼壽量者人間一月為一晝夜如是算
數壽五百歲即當人間一萬五千歲或居人間寒林
等處食血肉等皆餓鬼類
三傍生者多居河海亦如酒糟混濁而住以大食小
以小食大互相驚怖由海波濤住所不定或處人天
彼壽量者長如龍王壽半中劫短如蚶等壽一剎那
身量無定

四人者住四大洲八中洲等及諸小洲彼壽量者如
瞻部洲人初成劫時其壽無量次後漸減今六十歲
次後漸減至十歲開次復漸增無有定量北鳩婁人
定壽千歲東勝身人壽五百歲西牛貨人壽二百五
十歲除北鳩婁餘有夭橫彼等受用北鳩婁中食自
然稻衣服瓔珞出如意樹餘三洲者食穀肉等資養
受用彼等身量瞻部提人身量四肘東勝身人身量
八肘西牛貨人身量
十肘
六肘北鳩婁人身三十二肘人等面相亦如洲狀其
小洲人亦如大洲身各減半故如是說
五非天者妙高水際下過一萬一千由旬山嶺摩闍
四十一
通載二卷
光明城內阿脩羅王曰羅睺羅王此云衆眷屬居又過一
萬一千由旬星鬘城內阿脩羅王名曰項鬘衆眷屬
居又過一萬一千由旬堅牢城內阿脩羅王名曰妙
鎮又曰大力衆眷屬居又過一萬一千由旬甚深城
內阿脩羅王名曰毘摩質多羅此云衆眷屬居
常共帝釋比對闢諍城曰具金殿名奏樂如意樹王
名即恒鉢囉聚集之處名曰賢財石名善賢苑名普
喜妙喜衆喜甚喜善地亦名普喜妙喜衆喜甚喜臨
戰所乘象名無能敵遊戲所乘象名壘雪馬曰峭時
是等非天共三十三天諍須陀味及脩羅女為戰諍

故從山廓出身服金銀琉璃瓊珂等堅固鎧甲手執劍槊標鎗弓箭領四部軍彼阿脩羅王羅睺羅項璠妙鎮毘摩質多羅等或前三或四皆來是時帝釋五守護衆一住戲海願樂白法龍王等衆與非天軍開戰今迴龍若不勝去堅守所共二守護復與脩羅開戰又若不勝去持驍所共三守護復與開戰又若不勝去恒憍所共四守護復與開戰又若不勝去四王所共五守護復與開戰四大天王率四軍衆服寶堅鎧執諸戈杖開戰多分四天王勝若不能却去切利天前白帝釋曰我等守護不能回彼脩羅王應却敵如是白已天主帝釋乘善住象告三十三天衆等曰汝等應知今脩羅軍至妙高頂當服堅鎧取所乘車與脩羅戰說是語已彼諸天子各服寶鎧執持戈仗去衆車苑取所乘車入嚴惡苑身心轉惡出善見城共脩羅戰若脩羅勝侵至城內若天得勝逐脩羅軍至第一海開戰之時天與非天斷其頸腰彼等即死手足若斷復生如本若薄伽梵碑支佛轉輪聖王住世間時諸阿脩羅不起諍心設若相持諸天必勝世間善增天衆亦勝世不善增阿脩羅勝是故諸天護持善事

六天者欲界六天色界十七無色界四欲界六天者蘇迷盧山第一層級堅首衆居第二層級持驍衆居第三層級恒憍衆居持雙山上北方有城名阿那迦縛帝衆聞天王藥叉衆居如是東方城名賢上有大天王名曰持國乾闥衆居西方有城名曰衆色有大天王名曰廣目龍神衆居南方有城名曰增長有大天王名曰增長焰摩衆居餘四層級七金山等日月星宿鐵圍輪山瞻部洲山多羅樹所四王部衆亦住止住咸屬四王是謂一部彼壽量者人五十歲為一晝夜如是壽量經五百年若其身量一俱盧舍四分之三三十三天妙高頂上天主帝釋住家勝處共非天女名曰妙安同衆天女受諸欲樂無有厭足復有臨戰所乘象王名曰善住遊戲苑中所乘象王名曰諸羅筏拏此云持地子二象周圍各七由旬各以八千小象衆居又有馬王名迅疾風與八千馬居天主輔臣數十三是故名曰三十三天諸天子等晚五欲樂若放逸時有大天鼓鼓聲出音警諸天曰諸行無常有漏皆苦諸法無我疾滅為樂與脩羅軍開戰之時出除苦音警曰天衆得勝願脩羅敗宮殿城池樹集石等如前所辨彼天壽量人間百歲為一晝夜如是算數壽

一千歲其天身量半踰閼那。焰摩天者三十三天共非天諍此離諍故名離諍天。彼天壽量人二百歲為一晝夜。如是算數壽二千歲其天身量二踰閼那。兜率陀天者有慈氏尊紹世出世法王之位受大法樂。謂曰兜率是俱樂義。人間四百年彼天一晝夜。壽四千歲身量四踰閼那。化樂天者自化受用。謂之化樂人。間八百年彼天一晝夜。壽八千歲身量八踰閼那。他化自在天者受用他化。謂之他化自在。彼中天王威德自在。即是魔主人。間千六百年彼天一晝夜。壽一萬六千歲身十六踰閼那。下從無間至他化自在天。謂之欲界。耽著欲樂。所食段食。故如是說。色界一十七天者。四靜慮攝。初禪三天者。謂梵眾梵輔大梵。彼天壽量梵眾半劫。梵輔一劫。大梵一劫。半彼天身量。次第半由旬。一由旬。一由旬半。二禪三天者。謂少光。無量光。極光。彼天壽量少光二劫。上四天。四十中劫。為一大劫。已無量光四劫。極光八劫。下四天。八十中劫。為一大劫。已無量光八劫。彼天身量少光二由旬。無量光四由旬。極光八由旬。○三禪三天者。謂少善。無量善。廣善。彼天壽量少善一十六劫。無量善三十二劫。廣善六十四劫。彼天身量少善十六由旬。無量善三十二由旬。廣善六十四

由旬。○四禪八天者。無雲福生。廣果。三是凡居無煩。無熱。善現。善見。色究竟。五是聖居。名曰五淨居。彼天壽量無雲百二十五劫。福生二百五十劫。廣果五百劫。無煩一千劫。無熱二千劫。善現四千劫。善見八千劫。色究竟一萬六千劫。彼天身量無雲一百二十五由旬。福生二百五十由旬。廣果五百由旬。無煩一千由旬。無熱二千由旬。善現四千由旬。善見八千由旬。色究竟一萬六千由旬。始從梵眾至色究竟。皆名色界。出離欲樂。非離色。故名色界。○無色界四天者。無有身色。亦無處所。從定今。四謂空。無邊。識。無邊。處。無所著。四十七。通載二卷。八。非想非非想處。彼天壽量空無邊。處二萬大劫。識無邊。處四萬大劫。無所有處六萬大劫。非想非非想處八萬大劫。彼等壽量。謂歲劫。時其量云何。時家少者。名為剎那。百二十剎那為一怛剎。那六十怛剎。那為一羅婆。三十羅婆為一年。休多。此云三十年休多。為一晝夜。三十晝夜。即為一月。十二個月。即為一年。劫有六種。一中劫。或名二成劫。三住劫。四壞劫。五空劫。六大劫。一中劫者。或瞻部人從無量歲。漸漸減至八萬歲時。即成劫攝。從八萬歲減至十歲。謂中劫初